

## BILBON, 1994KO OTSAILAREN 25EAN AKADEMIEN ARTEKO AGERIKO BATZARREA

Haritschelhar, J., euskaltzainburua  
 Lekuona, J.M., euskaltzainburuordea  
 Knörr, E., idazkaria  
 Arana, J.A., diruzaina  
 Altuna, P.  
 Azkarate, M.  
 Davant, J.-L.  
 Diharce, X.  
 Irigoyen, A.  
 Kintana, X.  
 Krutwig, F.  
 Peillen, Tx.  
 Salaburu, P.  
 Sarasola, I.  
 Satrustegi, J.M.  
 Villasante, L.

Arejita, A.  
 Aurrekoetxea, G.  
 Badiola, R.  
 Eguzkitza, A.  
 Gereño, X.  
 Kortazar, J.  
 Lizundia, J.L.  
 Muniategi, A.  
 Oleaga, J.  
 Ruiz Urrestarazu, M.M.  
 Urribarren, P.  
 Urrutia, A.  
 Zearreta, J.J.

Bilbon, egoitzaren beheko aretoan, 1994ko otsailaren 25ean, eguerdiko ordubiak eta erditan, egin du Euskaltzaindiak ageriko batzarrea, alboko letrorokadan aipatzen diren kideak bertan zirela. Ezin etorria E. Larrek, B. Oyharçabalek eta P. Ondarrak adierazi dute.

Egungo batzarrea Euskaltzaindiaren 75. urteurrenaren ospakizunaren barruan egin da.

Mahaian jarri dira: J. Haritschelhar euskaltzainburua; Fernando Lázaro Carrerer Espaineraren Akademiaren zuzendaria; Marino Donega, Galizieraren Akademiaren idazkaria; Joaquim Rafel i Fontanals, Institut d'Estudis Catalans-eko idazkaria, eta E. Knörr Euskaltzaindiaren idazkaria. Euskaltzain oso eta urgazleez gain, aretoan aurkitzen ziren, besteak beste, Jesus Huguet, Valentziako Generalitateko Hizkuntz Politikarako zuzendaria; Aina Moll, Balearretako Hizkuntz Normaltzerako kanpainaren arduraduna, eta Glynn Williams, North Wales Unibertsitateko irakaslea.

J. Haritschelhar mintzatu da lehendabizi. Ongi etorri beroa egin ondoren, Euskaltzaindiaren 75. urteurrena eta Arantzazuko batzarrearen 25.a ekarri ditu gogora, bai eta Iruñean, Nafarroako Diputazioaren jauregian, 1968ko abenduaren 4an egin zen ekitaldia, lau Akademien eta Valentziako Lo Rat Penat eta Balearretako Obra Culturalen ordezkariekin. Ondoren, Euskaltzaindiak beste Akademiekin izan dituen eta orain ere dituen lotura estuak aipatu ditu. Menéndez Pidal, Tovar, Caro Baroja, Azkue, Urquijo, Mitxelena, Piñeiro, Corominas eta

Francesc de B. Moll gogoratu ditu, jakite alorreko eta adiskidetasuneko lotura hauen adibide. Azken 25 urte honetan Espainiako legerian gertatu den eta Frantziakoan gerta litekeen aldaketaz hitz egin ondoren, Euskaltzaindiaren lana azaldu du. Gero, euskaldunak izan beharko lukeen hizkuntzen ezagutza oroitarazi du, eta Salvador Espriuren neurtitzez bukatu:

“Diversos són els homes i diverses les parles,  
i han convingut molt noms a un sol amor”.

Ondoren, Fernando Lázaro Carreterrek hitz egin du. Euskaltzaindiaren sorreran Azkuek Madrilerara egin zuen bidaia, Espainiaren Akademiaren arautegia eta ibilpidea ezagutzeko asmoz, aipatu du. Callejo ministroaren eraginez 1927an egindako izendapenak, beste Akademien ordezkarienak, adierazi ditu, haien artean Azkue eta Urquijo, bi-biak kide oso. Azken hitzetan zorion agiankatu dio Euskaltzaindiari 75. urteurrenkari.

Hurrena, Marino Donega mintzatu da labor, Galizieraren Akademiaren historiari, 1903an Kubako galizierazale batzuen eraginez sortu zenetik.

Azkenik, Joaquim Rafel i Fontanals-ek Institut d'Estudis Catalans-ek dituen egitura eta eginkizunak azaldu ditu, bere sail guztiekin.